

Namminersornerullutik Oqartussat kommunillu inissiaataasa attartortittakkat teknikkikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 25, 9. oktober 2008-meersoq

Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 31, imm. 7 naapertorlugu aalajangersarneqarput:

§ 1. Inissianik Namminersornerullutik Oqartussanit aamma kommuninit pigineqartunik, inissiaq attartortittakkamiit piginneqatigiilluni inissiamut allanngortinneqartunik teknikkikkut aningaasatigullu naliliinermi tunaartassat immersugassarlu tassunga atasooq ilanngussaq 1-itut ilanngunneqartut atorineqassapput.

§ 2. Namminersornerullutik Oqartussat aamma kommunit inissiaataannik attartortittakkanik iluarsaanneqarsimasunik teknikkikkut aningaasatigullu naligititaasooq aalajangersarneqassaaq, inissianik attartortitsisarneq pillugu Inatsisartut peqqussutaanni § 31, imm. 2 naapertorlugu illuutip sananeqarneranut naligititaasutut naatsorsugaasumut, sanaartornermut naatsorsuutit inaarutaasut naapertorlugit iluarsaassinermut aningaasartuutit 80 %-iat ilassutigalugu.

§ 3. Nalunaarut atuutilerpoq ulloq 15. oktober 2008.

Imm. 2. Peqatigitillugu Namminersornerullutik Oqartussat kommunillu inissiaataasa attartortittakkat teknikkikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq atorunnaarsinneqarpoq.

Namminersornerullutik Oqartussat, ulloq 9. oktober 2008

Kim Kielsen

/

Steffen Ulrich-Lynge